

Meeravissiarthaarneq pillugu inatsimmut aamma angajoqqaat akisussaanerat pillugu inatsimmut allannguutit arlallit Kalaallit Nunaannut atuutilernissaannik peqqussutissatut missingiummut (Meeqqamut pitsaanagerusussaq, aappariit inooqatigiit meeravissiarthaartarnissaannut periarfissiineq, Ankestyrelsenip maalaartarfiunera il.il. meeravissiarthaarnermut tunngasuni aamma toqusoqarnerani angajoqqaatut oqartussaaneq il.il.) Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut

(Isumaginninnermut, Ilaqutariinnut Inatsisinillu Atuutsitsinermut Naalakkersuisoq)

Saqqummiussissut

(Isumaginninnermut, Ilaqutariinnut Inatsisinillu Atuutsitsinermut Naalakkersuisoq)

Siullermeerneqarnera

Aalajangiiffigisassatut siunnersuut manna, meeqqat atugarisaannik patajaallisaaqataasussaq Naalakkersuisut sinnerlugit nuannaarutigalugu saqqummiutissavara. Meerartavummi tassaapput nunatta isumalluutai pingaarnerpaat.

Meeravissiarthaarneq, angajoqqaat akisussaassuseqarnerat najuisarnerillu pillugit inatsisit nutarterneqarnissaat aalajangiiffigisassatut siunnersuummi siunertarineqarpoq.

Kalaallit Nunaanni ilaqutariit pillugit inatsisit nutarternerisa ilaatut meeravissiarthaarneq pillugu inatsimmut aamma angajoqqaatut oqartussaassuseqarneq pillugu inatsimmut allannguutit arlallit atuutilersinneqarnissaat pillugu peqqussutissatut siunnersuut suliarineqarpoq.

Meeqqamut iluaqutaanerusussat ilaqutariit pillugit inatsisini tunngaviupput, taakkulu maanna meeqqamut iluaqutaanerusussat kisiisa pinnagit kisiannili ingammik meeqqamut pitsaanagerusuunissaasa ukkatarineqarnerisigut patajaallisarneqassapput. Tamanna meeravissiarthaarneq pillugu inatsimmi aamma angajoqqaat akisussaassuseqarnerat pillugu inatsimmi allannguutini qitiusumik aallaavigineqarput.

Ullumikkut taamaallaat aappariit katissimasut ataatsimoorlutik meeravissiarthaarsinnaapput. Taamatuttaaq aappariit katissimasut aappamik meeraanik taamaallaat meeravissiarthaarsinnaapput. Angajoqqaat aappariillutik najugaqatigiissut aappariit katissimasut assigalugit meeravissiarthaartarnissamut siunnersuut aqutagalugu pisinnaatitaaffeqalissapput, aamma suiaaqatigiillutik aappariit inooqatigiittut. Najugaqatigiit aappariilluunniit katissimasut ukiuni 2,5-ini meeqqamik najugaqateqarsimappata, inooqatigisap aapparmi meeraa meeravissiarthaarsinnaalissavaa.

Taamatuttaaq malittarisassat pisariillisarneqarput, taamaalilluni Naalagaaffiup Sinniisuata allaffianut orniguteqqaanngikkaluarluni meeravissiarthaarnermut akuersineq allakkatigut pisinnaanera periarfissaalissaaq.

Angajoqqaatut oqartussaassuseqarneq, najugaqarneq najuisarnerillu pillugit suliat akerleriissutaasinnaapput. Taamaattumik malittarisassat pisariillisarnerisigut akerleriissutaasinnaasut ilaannut ikiuutaasussanik siunnersuut aalajangersakkanik imaqarpoq.

Ullumikkut ima inissimasoqarpoq, angajoqqaq meeraqarfiminik toqutsippat angajoqqaatut oqartusaanini aallaaviatigut tigummiinnartarpa. Tamanna aalangiiffisassatut siunnersuutikkut allangortinneqarpoq, taamaalilluni meeqqamut pitsaanerpaajusussaq aalangiisuulissalluni.

Naalackersuisut taamatut oqaaseqarlutik immikkoortoq Inatsisartunut oqaluuserisassanngortippaat.